



Layar Kecewa

Oleh Wan Noorli Razali

Cukup sudah layar lakonan
Setia hulubalang telah diperbodohkan
Di hadapan mata menyinga berlawan
Kencang bibir menyembur tomahan
Nista berbara jadi santapan
Di balik tirai mereka berteman
Terus erat berjabat tangan
"Ini keperluan demi perpaduan"

Manifesto sekadar gula
Habis manis berganti tuba
Bintang dan bulan di alam mega
Namun janji hanya bicara
Demi meraih sokongan jelata
Boleh didengar jangan dipercaya
Cukup-cukuplah bertuhankan mereka

Labuhkan terus tirai lakonan
Matikan setiap perwatakan
Yang bagai keris dihunus ke badan
Robek hati parut berkekalan
Sudah masa membuat pilihan
Hanya Allah swt tempat harapan
UntukNya taqwa dan iman
Pilihan selamat sepanjang perjalanan

